

Theologiae Moralis Super Decalogum Seu Decem Dei Praecepta Pars ...

In II. III. IV. Præceptum De Juramentis, Votis, Observatione Festorum, & Jejuniorum, ac obligatione Pietatis & Observantiæ erga Majores: Charitate & Misericordia erga proximum. Pars III.

Sporer, Patricius

Salisburgi, 1713

Sectio III. Pietas & Obligatio erga Majores, & Collaterales.

[urn:nbn:de:hbz:466:1-60022](#)

196. Tract. III. in IV. Precept. Decal. Cap. V.
DD. apud Bonacinnam t. 2. d. 4. in 4. preceptum
q. un. proposit. 6. §. 3. n. 1. Solùm sis est; an tuus
pater possit negare omnia alimenta etiam ad vitam
sustendandam necessaria? Affirmant Mol. ac alii
cum Sanch. lib. 4. de Matr. disp. 26. n. 1. Quia
tunc filius, vel filia ob suam ingratitudinem non
habetur amplius pro tali: solùm igitur perinde a
alii proximi in extrema necessitate erit a patre ad
juvandus. Contra tamen necessaria alimenta eis de-
beri, docet Covar. apud eundem Sanch. cit. ed.
quod esse physicum re ipsa filii non amittatur, atque
adeo semper aliqua major obligatio ad ipsos in pa-
tre residet, quam in aliis. Hæc sententia magis pas-
tralque probabilis est. An etiam ob alias causas
justè possit filius, vel filia exhaereditari dote, ve
alimentis privari, videantur *Authores* cit. Nulla
certè videtur posse in foro conscientiæ, ob alia di-
milia, vel etiam graviora delicta. Legem enim ad
similia trahi posse, cum similis, vel gravior cau-
sa existit, patentur DD. communiter. Vide Azor-
ump. 2. lib. 2. c. 19. q. 6. vers. *Duo hic merito.*

SECTIO III.

Pietas, & obligatio erga Majores, & Collaterales.

SUMMARIA.

63. Ad quid filii, & pupilli teneantur I. Tutoribus, & pa-
trinis, & econtra hi illis?
64. II. Ad quid consanguineis, Abis, Proabis, aliisque
Majoribus, & econtra?
65. & 66. Ad quid sibi in vicem obligentur consanguinei
collati?

Sect. III. De obligat. erga Majores. 597

collaterales, ut fratres, sorores, patruelis, consobrinis,
aliq. consanguinei, & affines?

7. Usque ad n. 72. Ad quid sibi invicem obligentur conjuges?

ASSERTIO III.

Pletas colendi parentes ulterius se extendit ad 62
colendos. 1. Quasi parentes, ut Tutores, & patri-
nos. 2. Majores, Consanguineos, ut Avos, Avias
&c. 3. Consanguineos collaterales, ut fratres, so-
rores &c. 4. Ipsos conjuges ad invicem: quibus om-
nibus ex eadem pietatis virtute etiam sub mortali
debetur amor, reverentia; & cum praeſunt, obe-
dientia, ac in necessitate obsequium, seu beneficien-
tia. Similiter autem econtra proportionaliter.
Assertio omnium, nec indiget, nisi explicatione
particularum.

§. I.

Quasi Parentes, Tutores, Patrini.

Filiū pupilli tenentur Tutoribus suis exhibere a 63
morem, reverentiam, & obedientiam in iis,
quæ concernunt tutelam suam, adeo ut in iis de-
libertate inobedientes peccent etiam mortaliter, eo-
dem modo proportionaliter, quo peccarent non
obedientes parentibus, juxta modos supradictos.
Tutores autem econtra tenentur pupillis amorem,
& curam in corporalibus, & spiritualibus: ut ni-
mirum bona eorum justè & fideliter administren-
tur, & ipsi in fide, Lege Dei, & bonis moribus
instruantur, sicut obligantur parentes. In quibus
omnibus notabiliter negligentes peccant mortaliter,
& si bona pupillorum aut dissipent, aut culpā
suā perire sinant, etiam ad restitutionem obligan-
tur.

tur. *Omnia omnes.* Ratio est: Quia Tutores ex officio suo succedunt parentibus, adeoque ex naturæ, & gentium jure æqualem parentibus obligationem contrahunt, tam ex parte sui erga pupilos, quam ex parte pupillorum erga ipsos. Patrii porrò, seu compatres, cum ipsi ex officio suo teneantur, aliis deficientibus, sub mortali curam gerere eorum, quos ex Sacramento Baptismatis, vel Confirmationis suscepserunt, ut in fide, & necessariis ad salutem instruantur, & conserventur, ut pulchrè docet S. Augustinus serm. 215, de tempore, dicens: *Filios, quos in Baptismo recipitis, scitote vos Fidei successores pro ipsis apud Deum existisse.* Et ideo ram illos, qui de vobis nati sunt, quam illos, quos in fonte exceptis, semper castigare, & corrige, ut castitatem custodiant, justitiam diligent, charitatem teneant. Hæc Sanctus. Ita ex correlativo filii suscepti ex Baptismo, vel Confirmatione tenentur patrinis suis amorem, reverentiam, ac obedientiam proportionatam obligationi eorum, nimirum in fide, moribus, & necessariis ad salutem addiscendis, & tenendis. Verum hæc obligatio quoad obedientiam modò raro venit ad praxin; at maximè viget quoad amorem, & reverentiam, saltem negative, excludendo contraria, etiam sub mortali, non solum ex charitate, vel justitia, sed etiam ex pietate.

§. II.

Consanguinei, Majores, & Senes.

64 **F**iliī obligantur avis, aliisque Majoribus ascendentibus, sive in linea recta, ut sunt proavus

pro-

proavia: sive transversa, ut patruus, amita Avunculus, Materterta &c, exhibere amorem, reverentiam, obsequium: & cum ii parentum locum occupent, etiam obedientiam; idque ex genere suo sub mortali, adeo ut omnis gravis indignatio, irreverentia, injuria erga ejusmodi Majores sit peccatum mortale: non tamen æquè grave, ac contra parentes ob remotiorem gradum. Econtra autem illi Majores, deficientibus parentibus, immediatis, vel eorum locum tenentibus, quantum eorum possibilitas commodè permittit, obligantur filiorum minorum, seu nepotum paternam curam gerere, Quia ex natura sanguinis, & lege naturali tunc ea cura ad eos devolvitur. Exempla habentur passim in Scriptura: v. g. de Abraham, quantam curam gesserit de Loti filio fratri sui. &c. Tales peccant ergo graviter, si deficientibus parentibus nepotum curam negligunt, eisque in necessitate spirituali, vel corporali non succurrunt. Ut rectè monet March. tr. 5. Tit. 7. q. 4. &c. Senibus tenentur juniores amorem, & reverentiam, juxta legem Dei, Levit. 19. Coram cano capite consurge, & honora presentiam senis, & time Dominum &c. I. ad Timoth. 5. Seniorem ne increpaveris, sed obsecra ut Patrem &c. Et licet hic per omissionem talis amoris, & reverentiae erga senes raro peccetur plus, quam venialiter: nisi accederet contemptus, vel abominatio ipsius personæ senis, utique mortalis; tamen per commissiōnem deliberatè, & cum contemptu senes irridere subsannare, provocare, contristari, vel quavis no-

600. *Tract. III. in IV. Pracep. Decal. Cap. V.*
tabili injuriā afficere , peccatum mortale esse con-
tra virtutem pietatis, rectè concludit. March.
e. in fine.

§. III.
Consanguinei Collaterales.

65 **N**imirūm fratres , sorores , patrueles , conso-
brini , aliique consequenter consanguinei , &
affines tenentur sibi invicem exhibere amorem , re-
verentiam , & obsequium , seu auxilium in necessi-
tate : nimirūm in defectu aliorum , juxta ordinem
graduum , ac ordinem Charitatis , suo loco infra
explicandum . Adeò ut etiam hi in istis notabiliter
contra faciendo , pura , vi , gravi odio , irreverentia ,
injuria , negatione subsidii in vera necessitate , gravi-
ter peccent , non tantum contra Charitatem , vel
justitiam communem : sed etiam contra virtutem
pietatis : ideoque & ipsi in confessione eam cir-
cumstantiam personæ , utpote speciem mutantem ,
explicare tenebuntur .

66 Unde ulterius in defectu parentum , vel quasi pa-
rentum , ac ascendentium , consanguinei hi latera-
les etiam succedunt in obligatione præbendi ali-
menta egenti ; adeò ut tunc frater fratri , vel so-
rori (& sic consequenter de aliis) non tantum
extremè , vel graviter egenti ubi obligatio suc-
currendi communis est omnibus proximis : sed
etiam ordinaria paupertate laboranti succur-
gere teneatur præbendo convenientia alimen-
ta , quando frater ea , vel soror , vel similis
consanguineus aliunde habere non potest . Quia
n*l.*

nimirum urget plus pietas in tanta propinquitate sanguinis pro fratre, vel consanguineo, quam pro aliis. Nec refert, quod frater tuus, vel soror male sua dissipaverint, aut suâ culpâ in eam necessitatem inciderint: dummodo impræsentiarum vera necessitate laborent: omnino naturalis pietas urgebit ad succurrentum. Certe contingit alicubi quendam verè prodigum filium totum patrimonium à patre pro se, & fratre suo telictum dissipasse vivendo luxuriosè: postea iple graviter egens ad fratrem, qui propriâ industria exhaustam hæreditatem sibi fel citer compensârat, pro alimentis recurrit: & adhuc deberi responsum est à Theologis fratri consultanti: in quantum nimirum urgebat actualis necessitas ob rationem datam. Cæterum fatendum est, si frater, vel soror in mala vita perseverent, aut flagitia commiserint cum familiæ dedecore, ob quæ ab ipso patre exhaereditari, ac alimentis privari posse dictum est: ut à malo resplicant, ut labori, ac industriæ assuescant, salubriter posse illis ad tempus alimenta negari, dummodo same non pereant, id enim ipsum majoris pietatis opus erit. Unde si soror in turpi prostibulo familiam suam infamavit: si frater per grave, & familiæ dederunt flagitium depauperatus est: siquidem in scelere perseverent, deserantur, ut hac medicina sanentur: sin autem defacto satis emendati, & poenitentes sint, veraque necessitate, quantumvis culpabiliter contracta, laborent, eos deferri pietatis virtus non permittit, præsertim si sine detimento possit succurrere frater, vel soror, similisque consanguineus.

Pp. 5

§. IV.

Conjuges ad invicem.

97 *C*onjuges ex quarto Præcepto, & virtute pietatis gravi obligatione tenentur sibi invicem exhibere *amorem*, & *honorem*, *fidem*, & *cohabitationem*: *debitum conjugale*: *alimenta* & *gubernationem*.

I. *Amorem & honorem*: Ephes. 5. *Viri diligite uxores vestras*, sicut & *CHRISTUS* dixit *Ecclesiam* &c. Et infra: *Ita viri debent diligere uxores suas*, ut corpora sua. *Qui suam uxorem diligit*, *seipsum diligit*. Ad Coloss. 3. *Viri diligite uxores vestras*, *nolite amari esse ad illas*. Ubi peccant mortaliter conjuges gravibus odiis, indignationibus, contemptibus, injuriis, maledictionibus, imprecationibus, aut quibusvis injuriis alterum affidentes. Huc spectat peccatum zelos pia inordinatae, seu temerare suspiciones de fide alterius. Item viri graviter, & sine causa sufficie te verberantes uxores: nam ob justam causam ad debitam emendationem moderatè uxorem percutere, aut verbis duris increpare, seculo maligno affectu, culpâ vacabit, ut notat etiam *Filius cuius* tr. 25. c. 9. Item à fortiori uxores, si viros suos graviter iñhonorant, irrident, offendunt, aut, quod enome est, etiam percutiunt.

II. *Fidem, & cohabitationem*. Fidem scilicet in servando contrac̄tu Matrimonii, & ministratio ne honorum dotalium, ac rei domesticæ: cohabitationem verò quoad torum, & mensam, ut ajunt, juxta illud Matth. 5. *Qui dimiserit uxorem suam*,

Sect. III. De obligat, erga Majores. 603

suam, excepta fornicationis causâ, facit eam mā-
ebari. Peccat ergo mortaliter conjux absque ur-
gentissima causa conjugem deserendo, aut omni-
no, aut ad longum, & notabile tempus, citra alte-
rius consensum. Justa autem causa censetur,
quando vir à Rege, vel Principe in bello, Legatio-
nibus, alijsve publicis negotiis diutius occupatur;
cum mercaturæ vel negotiationi, Reipublice, & fa-
miliae suæ necessariæ in longinquis terris vacare ca-
gitur, & ita in similibus casibus.

III. *Debitum conjugale*: 1. Corinth. 7. Exori⁹
vir debitum reddat, similiter autem & uxor viro.
Nolite fraudare invicem, nisi forte ex consensu
ad tempus, ut vacetis Orationi, & iterum reverti-
mini in id ipsum. Ubi peccat mortaliter conjux
conjungi debitum tempestivè petenti sine causa de-
negans. De quo alibi ex professo. Solum pec-
atum hic annolässse opus erat.

IV. *Alimenta, & necessaria vitæ statūs*: Qua⁹
quidem obligatio per se, & principaliter incum-
bit viro, juxta illud Apostoli ad Ephes. 5. Ita viri
debent diligere uxores suas, ut corpora sua &c. Qui
suam uxorem diligit, seipsum diligit: Nemo enim
unquam carnem suam odio habuit, sed nutrit, &
sovet eam. Nihilominus etiam concernit uxo-
rem, ut suum etiam præstet, maximè viro impo-
tente, infirmo, captivo &c. ut sic uterque coniunct
sub mortali teneantur sibi invicem curare alimenta,
& mutua onera ferre. Ubi sàpè gravissimè pec-
cant viri omnia sua abliguriendo, interim uxorem
cum liberis famem pati sinendo. Specialia hic
quoad

quoad alendam uxorem ratione dotis, utiliter leges apud Sanch. l. 9. de Matri, disp. 4. s. 6. & sequentibus latissimè.

71 Denique specialiter tenetur maritus uxori gubernationem debitam in iis, quæ spectant ad observantiam Mandatorum Dei, bonos mores, & administrationem familiæ, ac rei domesticæ. In quibus è contra uxores tenentur maritis obedientiam proportionatam: adeò ut sicut peccat maritus mortaliter permittendo Legem Dei transgredi, vel impediendo eam ab observantia Mandatorum DEI, & Ecclesiæ, aliisque ad salutem necessariis, ita & contra uxor peccat mortaliter, notabiliter non obediendo Matrito in iis, quæ ad ejus gubernationem spectant, modò enumaratis.

Hæc pro examine peccatorum conjugum circa quartum præceptum, hic summatim enumerata Iatiùs recentent in propria materia de magno Sacramento Matrimonii.

S E C T I O IV.

Observantia, & obligatio erga superiores, & econtra.

S U M M A R I U M.

73. Ad quid obligentur subditi Superioribus suis spiritualibus; & econtra hi subditis? &
74. Ad quid subditi suis superioribus temporalibus. ac econtra?
75. Ad quid famuli, & ancille Dominis suis, seu Heris? ac hi econtra illis
76. Quid debeant discipuli Magistris, & econtra?
77. Usque ad n. 80 de gratitudine, & ingratitudine erga Benefactores.

ASSER.